



Broj: 01-05-24455/12 BH  
Sarajevo: 01.10. 2012.godina

## SKUPŠTINA KANTONA SARAJEVO SARAJEVO

### **PREDMET: Odgovor na pitanje poslanika Nedžada Fazlije**

U prilogu dopisa dostavljamo Vam odgovor na pokrenutu inicijativu - pitanje poslanika Nedžada Fazlije sa 19. sjednice Skupštine Kantona Sarajevo održane dana 19.09.2012. godine.

#### **Pitanje:**

##### **Zastupnička inicijativa**

Nedavno je završena gradnja i svečano otvoren most „Fastina Lente“ ispred Likovne akademije. U sklopu kompletnog uređenja ovog dijela našeg grada rekonstruisana je i šetnica cijelom Obalom Maka Dizdara.

Pješački most i šetnica čine jedinstvenu pješačku cjelinu koju nažalost narušava i ugrožava saobraćaj motornih vozila raznih ambasada, ministarstava, gostiju kafića, dostavnih vozila itd.

Zbog činjenice da su, u most i šetnicu, uložena znatna sredstva iz Budžeta i da bi izbjegli ponovno postavljanje polomljenih ploča, a sve o trošku građana, pokrećem inicijativu da se postavi adekvatna fizička zapreka za saobraćaj motornih vozila na početku i na kraju Obale Maka Dizdara, odnosno od Grčke Ambasade do Čobanija mosta.

Znak zabrane saobraćaja, kao i mnogi drugi postavljeni po našem kantonu, na daje rezultate.

Evidentno je da policija neće da se bori protiv nesavjesnih i bahatih vozača koji krše saobraćajne propise.

Valjda šetnica treba da bude šetnica.

#### **Odgovor:**

Rješavajući i sagledavajući inicijativu poslanika Nedžada Fazlije o rješavanju pitanja vezanih za ulicu Obala Maka Dizdara i zabrane saobraćaja za motorna vozila u pomenutoj ulici obavještavamo vas o sledećem:

-U ulici Obala Maka Dizdara zabranjen je saobraćaj motornih vozila – postoji saobraćajni znak na spoju pomenute ulice i ulice Čobanija sa dopunskom tablom „osim vozila sa odobrenjem“.

- Na dijelu ulice Obala Maka Dizdara od spoja sa ulicom Čobanija do spoja sa ulicom Hamdije Kreševljakovića nalaze se 3 objekta koje koriste ambasade država: Irana, Srbije i Grčke, Akademija likovnih umjetnosti, Obrazovna ustanova, stambeni i poslovni objekti i garaže uz stambene objekte kojima je jedini prilaz iz ove ulice.



- Ministarstvo saobraćaja na osnovu člana 28. i 29. Odluke o sigurnosti i organizaciji prometa („Službene novine Kantona Sarajevo“ broj: 14/97), može odobriti prolaz i zaustavljanje vozila na motorni pogon ulicama zabranjenim za saobraćaj u oba smjera kao što je ulica Obala Maka Dizdara, ali pod uslovima propisanim rješenjem.

Sagledavajući značaj ove saobraćajnice u smislu jedine putne komunikacije za navedene objekte i njen značaj kao jedne od naj ljepših šetnica u gradu Sarajevu a u cilju zaštite ulice Obala Maka Dizdara, predlažemo da Ministarstvo unutrašnjih poslova Kantona Sarajevo pojača kontrolu u navedenoj ulici u skladu sa svojim ovlaštenjima iz Zakona o osnovama bezbjednosti saobraćaja i člana 30. Odluke o sigurnosti i organizaciji prometa („Službene novine Kantona Sarajevo“ broj: 14/97), čime bi se sankcionisali nesavjesni vozači, a samim tim bi se poboljšala situacija po pitanju saobraćaja u navedenoj ulici.

Dostaviti:

- Naslovu
- Evidencija
- Arhiva

MINISTAR

mr Haris Lulić



web: <http://ms.ks.gov.ba>  
e-mail: [saobracaj@ks.gov.ba](mailto:saobracaj@ks.gov.ba)  
Tel: + 387 (0) 33 562-058, + 387 (0) 33 562-059  
Sarajevo, Reisa Džemaludina Čauševića 1

